

آنادولونجھوعدی

صانی : ۶

محمد خالد	ساختات سیرانی
مکرمین خلیل	آنادولونک فتحی
محمد شرف	دولت و مرکزی
صدری ارھم	صنی تکائف نقطہ لری
حامد سعدی	آنادولو معدن لری
حبیب فاضل	ٹولونک اؤداسندہ ، قارده ش
عرفانہ نالی	آنادولو جھوریتنک معارف مفکورہ سی
ضیاء الدین فخری	جون دووہی
شرف لاظم	سویلہ دن
حسن جمیل	رابند رانات تاغورہ
فخر الدین صدی	قارا کلقلر ایچندہ
اسماعیل نامی	مانیلر
آیک ایزلری : دولماو پیکار صراسمی ، فکر تک ٹولوی	

ناشری : آنادولو قزمانیت نشریات شرکتی

یگانہ طبعیہ

انځالی مجاہدہ رشتندہ رشتندہ افندی خانیقہ

ادعا ايدوردى . سلطان ملكشاه بو عصياندن خبر دار اولور اولماز امير (پورصوفه) ى
 سليمانك تاديپنه مأمور ايتدى . ايكي اردو بر بريله قارشىلاشدينى صيراده خليفه ايشه
 قاريشدى ، اهل اسلامك بر برلرينه قارشى قليچ چكمله لري جائز اولماديغنى سويلىدى ،
 واللهك ، رسولنك محبتى جلب ايتمك ايتيانلر قليجلرينى آنجق كافرلر ك قاييله ييقامليدزلر
 ديدى ؛ هر ايكي طرفك باريشمه سنه توسط ايتدى . هر ايكي طرفده صلحه ياناشدى .
 سلطان اعظم ملكشاه ، كندينه تابع اولمق شرطيله سليمانى آنادولو حكمدارلغنه تعيين
 ايتدى . اوكا سلطان عنواتى توجيه ايدهر ك آنادولونك اكمل فتحه و اوندن صوكراده
 ممكن اولورسه ، بالعموم روم و فرنك اولكلارينك تسخيرينه مأمور ايلدى . سليمان ،
 سلطان اعظمك نزدينه كيره ك خلعت و تاج كيدى . سلطنت عظمى ديوانندن تعيين
 ايديلن وزيرى و بوتون اركان ديوانيله تكرار آنادولويه دوندى . سلطان اعظم ، سلطان
 سليمانك معيته يوز يكرمى بيك كشيك بر قوت و ير مشدى . سليمان بو قوتله آنادولويه
 كيردى . (نومر سه) خراسانه عودت ايتدى .

مكرمىن ضليل

❁	دولت و مركزى	❁
---	--------------	---

بزده دولت مركزى اوتهدنبرى بر مسئله ايدى . آنادولوده حكرمان اولان
 سلجوق توركلرى قونيه يي دولت مركزى انتخاب ايتمشلردى ؛ عين قطعه نك برر كوشه سنده
 تشكىل ايدن طوائف ملوكده برر مقر اداره وجوده كتيرديلر . عثمانلى سلطنتى ياواش
 ياواش آنادولو - روم ايلي يه حاكم اولمغه باشلار ، انكشاف ايدر كن پاى تحتده مهادياً
 شهردن شهره نقل اولندى : سكود ، بيله جك بروسه ، ادرنه ، استانبول دولتك تكامل
 حياتنده بر مرحله در .

صوك زمانلرده دولت ، استانبولى ده سياسى مقر اداره اولمقدين تجريد ، مركزى
 تكرار كلديكى يره ؛ آنادولونك كوكنه نقل ايدهر ك انقره يي تشويج ايتدى ؛ لوزان
 صلحندن صوكراده اداره مركزى انقره ده استقرار ايتدى . حرب ، اختلال و قعله لرندن
 صرف نظر انقره شكل دولتك جمهوريته تبدل و خلافتك العاصنده سياسى وظيفه لر پايدى .
 كرك بو و كرك جوغرافى اسباب دولاييسيله مركز دولتك استانبولدن انقره يه

نقل کیفیت مهم در . شیمی دیه قدر ایکی شهر دن برینک مرکز دولت اوله رق انتخابی
حقنده بر جوق اسباب رجحان کوستریله رک سرد دلائل ایدلدی . فکر مزجه بوکون
بو مطالعهلر ایچنده علمی ماهیتده اولانسه تصادف ایدیله مدی ؛ بونک اڭ بارز دلیل بوکون
دولت مرکزینک آنقر دیه نقلنده معین ، قطعی سبیلر کوستریله مه مسی در . افکار عمومیه ده کی
بو تردد و ابهامه سد چکمک ایچون یکانه چاره مسئله یی تکنیق (آلی) بر طرزده
تدقیق ایتمکدر . اڭ زیاده جوغرافی بر مسئله اولان تورکیه دولتنک اداره مرکزی
حقنده ملاحظاتی قید ایتمه دن اول ؛ دولت و مرکزی ، طبیعی ، صنی ، قطعی بخری
یم بخری (Penamaritime = ساحله یاقین) دولت مرکز لرینک عمومی و خصوصی
وصفاری حقنده مجرد بعض تعریفات در میان ایده جکیز :

دولت مرکز عضوی — دولت بنیه سنک عمومی تبعی ؛ اولکا [۱] سینیرلرینک
تحلیلدن صوکر مرکزینک تدقیقی ایجاب ایتدیرر ؛ حتی سیاسی جمعیتک بو اوچونجی
عنصری دیگر ایکیسی کی — طوراق (اولکا) و سینیرلر — جمعیتک وصفلرینی تعینه
اشترک ایدر . مرکز سز دولت یوق در . بو ؛ ملت ویا دولته کوره صیجاق یوردلرده
کوریلن صامان و قامیشدن ثولر ، آغا جدن قولوبلر ، دائمی اردوگاه ویا تاریخی ده کر
و شرفی اولمایان کوچوک بر شهر اولدینی کی لوندره ، پارس کی سکنا مرکز لر ی ده [۲]
اوله بیلور ؛ کذلک بو مرکز لر دوریجی ، کزیجی ، دائمی ، اکرده تی ده اوله بیلور .
فقط ؛ بوباشقه باشقه کورونوشلر آلتنده دولت یاشاییشنک عضو مرکز ضروریسی ،
ثروتلرینک ادخار نقطه سی ، دوشونجه ، باشاریجی عزم واراده نک اقامتگاه ی [۳] اولق
ماهیتیه ده . دائما کندنده محافظه ایدر .

سپه نسر مکتبی اجتماعاتیلرینک حیاتی مقایسه سنه اتباع ایدیلورسه دولت وجودنده
مرکز ؛ دوشونجی باش ، سینیرلر ؛ قونک ییقیلدینی عضلی دوقومه (نسج) ؛
برلشدریجی یوللر (طرق مواصله) ؛ اداره اییجی اراده یی عصبی در قومه نقل
ایره واسطه لر ی برینه قائم صایله بیلور . بونکله برابر بو مقایسه مسئله یی جانلاندیر مقده
ایسه ده دیگر بوتون مقایسه لر کی تمام دکلدیر .

دولت مرکزی ؛ یالکز بر دولتنک دوشونجه و سیاسی حرکتی باشاران بر موقع

Territorial [۱]

Centre urbaine [۲]

Siège de la volonté directrice [۳]

ده‌کدر ؛ او بالذات سینیرلر کبی براحتیاط خزینہ سی روحی و مادی دوزہ نلرک (نظام) طوبیلاندینی یردر ؛ پک چوق دفعه اوراده مالی واسطه لره صلح و (حرب) سیگیرلری طوبیلانور . دولتک مرکزنده دولتک اک بویوک اجرا عامللری اوطورر ، ویا هیچ اولمازسه زمانلرینک بویوک برقمینی اوراده کچیرلر .

سیاسی عضویت اطرافده اقتصادی و ذکائی طوبیلانیشلر مرکزی بر نقطه ده برله شیرلر : بومرکزیت ماده سی در . کندی بنه سی نه اولورسه اولسون هیچ برسیاسی طوبیلانیش بوندن قوریتله ماز ؛ یالکز بو مرکزیت حرکتی قوت و فعالیت درجه لینه کوره وقوعه کلیر . اکر هیچ برشی بومرکزیت حرکتیه مخالف ده کلسه بوتون تأثیرلرینی کوسترر ، آرتق دولت مرکزی یالکز مرکز اولق درجه سنده قالماز ؛ بالذات دولت اولور ؛ دشمنک ضبطله اونک ضیاعی بوتون سیاسی عضویتی کوتوروم (مفلوج) ایدر . بالعکس ؛ دشمن ضربه سنندن امنیت تحتده بولوندقه بوتون دولتی سربستهجه نفس آلدیرر ؛ یاشاتیر ؛ زیر او ؛ تنفس ایدر ، یاشار .

بویاقیشدن پارس دولت مرکزلرینک اک مکمل براورتنکی (أمزوج) تحقیق ایتدیرر . او هر شیئی کندینه چکر ؛ خاص منفعتلری اوغورنده بوتون دولتک قوتلرینی ضعیفلاتیر . ۱۷۴۰ ده Argenson «فرانسه ؛ باشی بویوک قولاری اوزون و ضعیف بر اورومجکه بکرده ؛ بوتون یاغ ، جوهر پارس ده طوبیلانیر» دیمش ایدی . ۱۸۱۴ ، ۱۵ ، ۷۱ ده اولدینی کبی پارس بر دفعه آله کچدکدن صوکر فرانسه تسلیم اولمادن مغلوب اولدی . بالعکس پارس ۱۷۹۲ ، ۱۹۱۴ ده قورتولونجه فرانسه ؛ آنجق حکومتک بحر کسرلکی و خلقلک صعف و کوشکلکی ایله غائب اوله بیلیردی . بالذات دولتک مقدراتی بو درجه تعیین ایدن مرکزلر نادر اولقله برابر بوتون سیاسی جمعیتلر حتی اتحاددولی [۴] نهجه ده عائد اولسه مرکزینی غائب ایتدکدن صوکر یاشایشنک دوام طالعی آغیر بر صورتده دوچار فلاکت اولور . زیرا مرکز ؛ دوشونجه ، سیاسی اراده نک یکانه ایشی اولسه بیله ؛ یالکز زمانک صیقیجه قایناناجنی برانشا آتی تمثیل ایدر .

بحرانلر اورته سنده بنفسه [۵] ویاخود صنعی مرکزلر ناکهانی ظهور و تکنون ایتیز ؛ بعضاً او دولته دوغار اونکله یاواش یاواش ایلریله ؛ بعضاً اونک انکشافی بر بنانک بر نوع اکیلی کبی کچیکر . پارس ، لوندرد ، برلین برنجی حاله ، پترو غراد ، مادرید

ایکینچی حاله مثال در . عکسی کورونوشلرده رغماً دولت مرکزینک طوغمه و بویومه سی سینیرلرینک طوغمه و تکاملندن ده سادہ بر آھنک کورہ انکشاف ایدر ، بونلر منحصرأ سیاسی معینیت قانونلرینہ تابع بر دولت ایشی اولدینی حالده دولت مرکزی بالعکس قاریشیق (مختلط) بر سجه و فارق نشانہ یه مالک درلر : بر شہرک ؛ دولت مرکزی اولمہ دن اول شایان دقت موقعی بولنہ بیلہ جکی کبی بر بازار ، ممتاز انکشاف یوللرینہ مالک صناعی بر مرکزده اولہ بیلور .

دولت اونی ؛ بوتون لوازم و مؤسسائیلہ مرکز احداث ایدنجه رسمی شہرده چوق چاپوق بر تجارت ، صناعت و ایش یکدیگرینہ انضمام ایدر ؛ دیگر تعیرلہ سیاسی و اقتصادی قوتلر مرکزک انکشافده غایت صیقی صورتده یکدیگرینہ قاریشیرلر ؛ او قدرکہ اونلری آریجه تدقیق ایتک هان امکانشدردر . بویکدیگرینہ حلول و نفوذ چوق عمومی بروقعہ در .

حتی دولت مرکزی منشأده بر دولت باشنک (رئیس) یکانہ او طور دینی یردن (اقامتکاه) عبارت اولسہ بیلہ او ؛ علی العاده بر شہر انکشافک تابع اولدینی قاعده لرک حکمنہ رام اولمده کجیکمز : Versailles ۱۶۸۲ ده قرالک کولہ لرلہ مسکون بر شاتو ایکن ۱۷۸۹ ده دولت مرکزی اولمقدن چیقنجه ۵۰,۰۰۰ نفوسیلہ مسکون بر شہر اولدی .

بو دورده بوصایی چوق بویوک در . پارسہ رغماً بوتون شہر یاشایشنک (حیات) عنصرلری اوراده طولانندی . بو وجه ایلہ بوتون دولت مرکز لری دولتک مرکزی اولق خصوصی وظیفہ لری دیشاریسنده دیگر شہرلر کبی شہر درلر ؛ ویا شہر حالنہ کلہ بیلورلر .

بونکله برابر بو مرکز شہرلرک دوغمه و بویومه سی خصوصی بر تدقیقہ سزادر . اونی مرکز اولہ رق سچمکده کی سیاسی دوشونجه ، اونک بر چولده بوتون مؤسسہ لرلہ احداثہ سائق ملاحظہ لرده دائماً بر موقع حاکم اشغال ایدن جوغرافی عنصرلرلہ (موقع ، هوا ، صو ، طوبراق) تعین ایدر . بو دوشونجه بر رئیسک دماغندن ملہم اولدینی کبی بر صیرہ رئیس لرده عائد اولہ بیلور ؛ اشتعال ایدن هوا فشنکی کبی ناکھانی باطلا مقلہ برابر ، اوزون بر تاریخک آقاسندن اوراق دامالہ لرلہ ده حاصل اولہ بیلور . ہر حالده دولت مرکزی ایستریکی تأسیس ایدیلسون ، ایسترسہ مؤسس بر شہر اولسون ینہ عین مقرراتہ تابعدر .

فقط ہر ایکی نوع شہرک انکشافی دائماً عین طرزده اولماز ؛ پارس و پتروغراد ہر ایکسی دولت مرکزی اولمغلہ برابر مورخک نظرندہ اونلرک مقدراتی قدر فرقلی

بر شی اولمیدنی کبی جوغرافیایچینک نظرندده حکمت وجودلری قدر آیری بر شی یوقدر .

دولتک مرکز عضوی اولجه موجود بر شهرده یرلشنجه بوراده شهر تشکلی طبیعی یوللرک تلاحقی ، خلیجار ، وادی یاخود کیدلری قولای یایلار و بونلرک نتیجهسی اوله رق اقتصادی حیات کندیلکندن بو جهته آقین ایدر . بو جوغرافی عنصرلر چوق قاریشیقدر . بعضاً ایش برعکس اولور : دولت شهرینک تاریخی تشکلی یاواشدر ؛ صاللاتی ، صیچرامالردن کچر ؛ فقط بو آهسته تشکل چوق صاعلام واستقبالی مؤمن اولور . ایسته طبیعی دولت مرکزی بودر .

شاید بونا به بر طبیعی دولت مرکزی آتیا آسکینوب قوتدن دوشسه بيله بوس بوتون سونمک تهلکهسینه قوشمز . دولت مرکزی هیچ بر شهر تشکل ایتمه مش بر یرده بوتون لوازم و مؤسساتيله وجوده کتیریلنجه مؤسسک بو باندکی تعیین ایدیچی سبب و علتلری لایقيله بللی اولور : شاید قوریچی ؛ (مؤسس) دولت عضونده ادامهسی قابل بر ایش یاپدیرمق ایسته یورسه دولت مرکزی دخی دوأم ایدر ؛ بو شهرک مقدراتی کندینی تویج ایدن دولت مقدراتنک آرقهسی صیره کیده .

دولتک وکندنده طویلانان تجارت شهرینک انکشافنک اولدجه بسیط و پکنسق بر کیدیچی واردر . فقط او ؛ آسکی بر تجارت شهرنده طبقه لانان دولت مرکزندن دائماً دهآ آز صاعلام ، دهآ آز جانی کورونور . یالکز بر ضربه ایله قورولان دولت مرکزی صنعیدر . بو نوع شهرلردن تماميله خراب اولان ایکی شهر واردر : نینوا ، تیگران سهرت وقاراقورومک طالعی بویه اولدی .

طبیعی و صنعی دولت مرکزلی — . طبیعی دولت مرکزلرینک ابتدائی انکشافی شهری تجمعلره عائد قوتلر کبی عین طرزده ایضاح اولور . مدافعهسی قولای ، ایش مناسبتلری سهیل ، محصولاتی مبادله ایچون مساعد بر نقطه ده بشری تجمعات کندیلکندن حصوله کلیر .

هرایکی حالدده شهرک دوغمهسی تأسسایتدیکی ویا مبنی بولوندینی محل [۶] ایله معیندر . بر ویا متعدد محل فائدهلری : ایشته بر تجارت شهرینک ویا منبع [۷] بر شهرک ویا

هر ایکی سجه بی برلشدیردن بر شهرک - عین حدود اوززنده بنا ایدیلنلر مستثنا -
انکشافی ایضاح ایدن سبیلر بونلردر .

زیرا بونلرده دولت ؛ مرکزی تأسیسه رقابت ایدن سیاسی دوشونجه لرینک عکس
صداسنی دوبار .

کندیلکندن تشکل ایتیش بر شهر اکثریا بوتون یوللرک صو آغلرینک (شبکه
مایه) چاراشدینی نقطه لرده عوارضی ضعیف ، شهرلر قولا ی کچید ویردن یرلرده
یوکسلر .

فقط بو شهرک دولت مرکزی صیره سنده یوکسلسنی ایجاب ایدن یکانه ملاحظه
بوندن عبارت دکلدر : سیاسی کثافتی (نفوسی) اصغری بی کچن ویا اوکا واصل اولان بویوک
مملکتلرده بو شهرلرک بر چوقلری تجارت و مناقلات ایچون غایت مساعد موقعلرده کان
بولمشلر و دولتک برکونا مداخله سی اولقسزین یالکیز اقتصادی قوتلرله بویومشلردر .
خلاصه دولت مرکزی وجوده کتیردن ؛ دولت اولکاسنک عمومی هیئت و سیدیر
جیزکیلرینه کورده بر شهرک وضعیتی در .

مملکتک عمومی اوززنده اقتدار سیاسینک تشعیله (انقسام) خارجدن صولت
و تضیق لره و حدود مدافعه سنه - خصوصیه متوتر حدودلرده - آئی بر مرکزده بولنان
شهرک دولتک عضو مرکزیتی اولسی پک دوغرودر ؛ بویله ابتدائی بر شهر مستحکم ویا
تجارت شهری بنا ایدلیدی یرک طبیعی منفعتلرله معین اولدینی کبی دولت مرکزی اولنجه
موقع منفعتلرینه خریطه اوززنده عمومی وضعیتک منفعتلری ده انضمام ایدر ؛ دولت اوراده
یرلشدیکی کون اقتصادی ، سیاسی قدرتی او شهره ربط ایدر و شهرک مقدراتی بویور ،
انکشافی دولتک انکشافیه هم آهنگ اولور ؛ عین بحرانلر ، عین ترقی و انحطاطلر کچیرد .

محمد شرف ۳۰ تموز ۳۴۰

مأخذلر : Géographie de l'histoire Camille Vallaux Le sol et l'état
Jean Brunhe et c. v.